



Aatsitassanut Suliffeqarnermullu  
Naalakkersuisoq.

Ulloq: 10-10-2019  
J.nr.: 01.36.01.04-00043

**Inuussutissarsiornermut Aatsitassanullu Ataatsimiititaliamit tallimangornermi ulloq 11. oktober 2019, nal. 13.00-14.00 ataatsimiittarfik Erling Høeghimi siunersiorneqarnissamut aggeqqusissut**

Asasara Erik

Matumuuna Inuussutissarsiornermut Aatsitassanullu Ataatsimiititaliamit siunersiorneqarnissamut aggersarneqarputit. Imm. 24-mik (aatsitassanut inatsit) ataatsimiititaliap suliarinninnerminut atatillugu ataani apeqqutitigut inatsisissatut siunnersuummi pissutsit arlallit qulaajarneqarnissaat kissaatigaa.

**1. Kisermaassisussaataitanermut aalajangersagaq**

Inatsisissatut siunnersuummi kisermaassisussaataitanermut aalajangersakkamik ilanngussisoqarsimavoq (§ 29, imm. 4), tassani kisermaassilluni paaasinnaanermut akuersissutilik sumiiffimmi akuersissuteqarfiusumi kisimiilluni paaanissaminut qulakkeerunneqarluni. Aalajangersakkap ataani allassimasutut apeqquteqarnissamut ataatsimiititaliaq tunngavissippaa:

- a) Ullumikkut akuersissummik peqartup akuersisimaneratigut sumiiffimmi akuersissuteqarfiusumi nunaqavissut aatsitassanik (100.000 kr.-it pallillugit naleqartunik) katersinissamut periarfissinneqarput. Periarfissaq taanna aalajangersakkakkut qulaani taaneqartukkut peerneqarpa?
- b) Ullumikkut akuersissummik peqartup akuersisimaneratigut sumiiffimmi kisermaassilluni paaanissamut akuersissuteqarfiusumi aatsitassanik misissueqqaarnissamut paaanissamullu kisermaassiffiunngitsumik annikitsumik atuinissamut akuersissummik pissarsisoqarsinnaavoq. Periarfissaq taanna aalajangersakkakkut qulaani taaneqartukkut peerneqarpa?
- c) Aalajangersagaq najugaqavissut sumiiffimmi akuersissuteqarfiusumi assersuutigalugu piniariarlutik sunngiffimmi sammisaqarsinnaanerannik killiliiva?

- d) Ataatsimiititaliap paasinninnera malillugu aalajangersakkakut taamaallaat siunertarineqarpoq ingerlatseqatigiiffiit sumiiffimmi kisermaassilluni aatsitassanik aalajangersimasunik piaanissamut akuersissuteqartut, ingerlatseqatigiiffiit allat piffimmi pineqartumi aatsitassanik allanik misissuinissamut piaanissamullu akuersissummik tunineqannginnissaannut qulakkeerunneqarnissaat.

Taama paasinnineq eqqorpa?

## **2. Imminut akilersinnaassutsip misissorneqarneranik tunniussisussaataitanerup atorunnaarsinneqarnera**

Ullumikkut piaanissamut akuersissummik pissarsisinnaassagaanni qinnuteqartup nalunaarusiamik (imminut akilersinnaassutsip misissorneqarneranik), aatsitassamik pineqartumik piaanermi aningaasaqarnikkut pissarsiassatut naatsorsuutigineqarsinnaasut pillugit paasissutissiisumik nassiussaqaarsimanissaa piumasaqaataavoq. Piumasaqaatip taassuma atorunnaarsinneqarnera inatsisissatut siunnersuutip nassataraa.

Atorunnaarsitsineq Namminersorlutik Oqartussat uku pillugit isumaqatigiinniuteqarnissamut-aalajangiinissamullu tunngavissaannik ajornerulersitsissava:

- a. Qinnuteqartup VSB pillugu nassuiaasiaanik (inuiaqatigiit eqqarsaatigalugit attanneqarsinnaasumik ingerlatsisinnaanermik nalilersuineq) akuersissutiginninneq.
- b. Paragraf 18 malillugu atugassiisutininik aalajangersaaneq, § 19 malillugu piaanissamut pilersaarummik akuersissutiginninneq, § 43 malillugu matusinissamut pilersaarusiap akuersissutigineqarnera kiisalu § 86 malillugu akuersissutit.

## **3. Piffissamut killiliussat pillugit atugassarititaasut**

Piffissamut killissaliussat aalajangersimasut pillugit atugassarititaasunik Naalakkersuisut aatsitassanik piaanissamut akuersissummi aalajangersaasinnaasut inatsisissatut siunnersuummi § 30, imm. 2-mi allassimavoq. Ataatsimiititaliap aalajangersagaq taanna oqaluuseraa, tamannalu tunngavigalugu misissueqqaarnermut akuersissutinut tunngatillugu aamma aalajangersagaq atuutsinneqartariaqarnerseq isumaliutigalugu. Tamanna aatsitassarsiorluni suliniutip pineqartup siuariartorfiunissaa qulakkeerniarlugu kiisalu kisermaassilluni misissuinissamut akuersissutit, pingaarnertut allat sumiiffimmi pineqartumi ingerlatsinissamut qinnuteqarnissaat mattunniarlugu qinnutigineqartarnissaat pinaveersaarniarlugu.

- a) Misissueqqaarnissamut akuersissutit aalajangersakkap oqaasertaanut ilanngunneqarnissaanut pissutsinik akerliusunik aatsitassarsiorluni inuussutissarsiummi peqarpa?
- b) Taamaattoqanngippat misissueqqaarnissamut akuersissummi piffissamut killiliussamik piumasaqaammik ilanngussinissamut Naalakkersuisut aamma periarfissinneqarnissaat piareersimaffigaajuk?

2/4

#### 4. Tusarniaaneq

Ataatsimiititaliap maluginiarpaa avataanit tusarniaanermut akissummik ataasiinnarmik tiguisoqarsimasoq (Kommune Kujalleq). Ataatsimiititaliaq ataani allassimaneratut apeqquteqarnissaminut tunngavissaqarsoraq.

- a) Inatsisissatut siunnersuut Naalakkersuisunut tusarniaassutigineqarsimasoq, tamatumalu saniatigut 1. apriliimit 6. maajip tungaanut Namminersorlutik Oqartussat tusarniaanermut nittartagaatigut tamanut saqqummiunneqarsimasoq inatsimmut nassuiaatini allassimavoq. Siunnersuutip illuatungerisanut avataaneersunut tusarniaassutigineqarsimannginneranut suna tunngaviua?
- b) Suliffissuaqarnermik ingerlatsisunik oqaloqatiginninneq tunngavigalugu inatsimmi allannguutissat siunnersuutigineqartut allanngortinneqarpat?
- c) Isumaqarpit inatsisiliornikkut iliutsimut suliffissuaqarnerup tungaanit naammagisimaarinnittoqarnera suliffissuaqarnermit qisuariartoqannginneranut pissutaasoq?

#### 5. Nalinginnaasut (Inatsisissatut siunnersuutikkut killiliussat avataatigut)

Aatsitassanut inatsimmi atuuttumi § 18-imi arlalinnik aalajangersagaqarpoq, taakkunani aatsitassanik misissueqqaarnermut -piaanissamullu akuersissutikkut sulisunik pilersuisunillu kalaallinik atuinissamut, nunami maani suliareqqiisarnissamik kiisalu misissueqqaarnerup piaanerullu inuiaqatigiit eqqarsaatigalugit attanneqarsinnaasumik ingerlanneqarnissaasa qulakkeerneqarnissaanut pilersaarutininik suliaqarnissamik atuutsitsinissamillu atugassiinissamut Naalakkersuisunut periarfissinneqarlutik.

- a) Isumaqarpit Namminersorlutik Oqartussat ingerlatseqatigiiffinnik aatsitassarsiortunik pilersaariumallutik atugassiissutinik taamaattunik aalajangersaanissaminnut maannamut tunuarsimaarsimasut imaluunniit atugassiissutinik qajassuussisorujussuarnik aalajangersaasimasut?
- b) Misissueqqaarnerit piaanerillu innuttaasunut najugaqavissunut suliffissaanik nunatsinnilu inuussutissarsiortut siuariartornissaannik pilersitsinissaat annertunerusumik qulakkeerneqaqullugu qanoq periarfissaqarsoraajuk?
- c) Ingerlatseqatigiiffissuit nunanit tamalaaneersut pitsaasunik atugassaqartinneqarnissaannik nunat tamalaat unammillerneranni peqataanermut taarsiullugu anikitsumik atuinissamut suliniutit alliatortinneqarnerannik pilersitsinissaq ungasinnerusiq isigalugu Kalaallit Nunaanni inuiaqatigiit aningaasaqarnerannut annertunerusumik iluaqutaasinnaava?

Siunersiuinermi malitsit apeqquaqartoqartarsinnaanera ataatsimiititaliamit naatsorsuutigineqarpoq.

Ataatsimiititaliap Naalakkersuisumik siunersiuinerata Aatsitassanut Suliffeqarnermullu Naalakkersuisup ataatsimiititaliallu akornanni pingaarnersiuilluni tulleriaarinerit anguniakkallu pillugit naalakkersuinermit tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqquutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsitinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguninngua ukununga nassiunneqarnissaa qinnutigineqarpoq: [Dje@ina.gl](mailto:Dje@ina.gl) aamma [Kfr@ina.gl](mailto:Kfr@ina.gl). Allakkiaq ataatsimiititaliap Naalakkersuisumik siunersiuineranut nassarneqarpat atorineqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik

Henrik Fleischer

Ataatsimiititaliap Siulittaasua



Inuussutissarsiornermut Aatsitassanullu Ataatsimiititaliaq  
Ataatsimiititaliap siulittaasua Henrik Fleischer

**Tallimanngorneq ulloq 11. oktober 2019 nal. 13.00-14.00  
ataatsimiittarfimmi Erling Høghimi Inuussutissarsiornermut  
Aatsitassanullu Ataatsimiititaliamit siunersiorneqarnermut atatillugu  
apeqqutinut Aatsitassanut Suliffeqarnermullu Naalakkersuisup, Erik  
Jensen-ip akissuteqaataa.**

14-10-2019  
Postboks 930  
3900 Nuuk  
Tlf. (+299) 34 68 00  
E-mail: asn@nanoq.gl  
www.govmin.gl

Asasara Henrik Fleischer,

Inuussutissarsiornermut Aatsitassanullu Ataatsimiititaliamit  
siunersiorneqarnissamut tallimanngorneq ulloq 11. oktober 2019  
aggersarneqarnermut atatillugu apeqqutinut nassiunneqartunut allaganngorlugu  
akissuteqaat matuma kinguliani allassimavoq. Aggersaaneq aamma apeqqutit  
pingaartumik ataatsimiititaliap imm. 24-imik (Aatsitassanut ikummatissanullu  
inatsisip allannngortinneqarnera) suliarinninneranut tunngassuteqarput

#### **1. Kisermaassisussaatitaanermut aalajangersagaq**

Inatsisissatut siunnersuummi kisermaassisussaatitaanermut  
aalajangersakkamik ilanngussisoqarsimavoq (§ 29, imm. 4), tassani  
kisermaassilluni paaasinnaanermut akuersissutilik sumiiffimmi  
akuersissuteqarfiusumi kisimiilluni paaanissaminut  
qulakkeerunneqarluni. Aalajangersakkap ataani allassimasutut  
apeqquteqarnissamut ataatsimiititaliaq tunngavissippaa:

- a) Ullumikkut akuersissummik peqartup akuersisimaneratigut  
sumiiffimmi akuersissuteqarfiusumi nunaqavissut aatsitassanik  
(100.000 kr.-it pallillugit naleqartunik) katersinissamut  
periarfissinneqarput. Periarfissaq taanna aalajangersakkakkut qulaani  
taaneqartukkut peerneqarpa?

#### ***Apeqqummut 1 a)-imut akissut***

aalajangersimasumik najugaqartut, paaanissamut akuersissummik  
pigisaqartoq isumaqatigalugu, sumiiffimmi akuersissummi pineqartunut  
ilaasumi aatsitassanik katersinissamut periarfissaqarnerat (100.000  
koruunit angullugit nalilinnik) aalajangersakkami matuma siuliani  
taaneqartumi kalluarneqanngilaq.

Aalajangersakkami siunnersuutigineqartumi oqaasertaa naapertorlugu taamaallaat siunnerfigineqarput ”misissueqqaarnissamut, aatsitassarsiorluni misissuinissamut imaluunniit aatsitassanik piiaanissamut akuersissut malillugu ingerlatassat”. Taanna paasineqassaaq §§ 15 aamma 16 malillugu akuersissutit malillugit ingerlatassat, taamaalillunilu nunaqavissut katersinerannut imaluunniit annikitsumik aatsitassarsiornissamut pisinnaatitsissummik pigisaqartup ingerlataannut tunngassuteqarani.

Tamanna annikitsumik aatsitassarsiornissamut pisinnaatitaaffinnut tunngatillugu nassuiaaneruvoq qularnaatsoq, tassami aalajangersakkami allassimavoq ”aatsitassarsiorluni misissuineq imaluunniit piiaaneq” annikitsumik aatsitassarsiornissamut akuersissummi ilaatinneqarput aatsitassarsiorluni misissuineq aamma piiaaneq. Aammalu aalajangersimasumik najugaqartut aatsitassanik katersisarnerannut tunngatillugu (100.000 koruuninut maleruagassaq), tamanna akuersissut malillugu pisanngilaq.

Piiaanissamut akuersissummik pigisaqartoq isumaqatigalugu sumiiffimmi piiaanissamut akuersissummi pineqartunut ilaasumi aatsitassanik katersinissamut aalajangersimasumik najugaqartut aatsitassanut ikummatissanullu inatsimmi § 45b, imm. 4-imi periarfissaqarnerat pillugu aalajangersagaq atuuttoq, allanngortitsinissamik siunnersuummi kalluarneqanngilaq.

b) Ullumikkut akuersissummik peqartup akuersisimaneratigut sumiiffimmi kisermaassilluni piiaanissamut akuersissuteqarfiusumi aatsitassanik misissueqqaarnissamut piiaanissamullu kisermaassiffiunngitsumik annikitsumik atuinissamut akuersissummik pissarsisoqarsinnaavoq. Periarfissaq taanna aalajangersakkakkut qulaani taaneqartukku peerneqarpa?

#### ***Apeqqummut 1 b)-imut akissut***

Aalajangersakkami matuma siuliani taaneqartumi taamatuttaaq, annikitsumik aatsitassarsiornissamut pisinnaatitsissummik pigisaqartup sumiiffinni piiaanissamut akuersissummi pineqartunut ilaasuni aatsitassarsiorluni misissuinernik aamma aatsitassanik piiaanernik ingerlataqarnissaa pillugu, piiaanissamut akuersissummik pigisaqartup aamma kisermaassisussaatitaanani annikitsumik aatsitassarsiornissamut akuersissut malillugu annikitsumik aatsitassarsiornissamut pisinnaatitsissummik pigisaqartup akornanni isumaqatigiissuteqarnissamik periarfissaqarnerit, kalluarneqanngillat.

Matuma siuliani taaneqartutut aalajangersakkami siunnersuutigineqartumi taamaallaat piiaanissamut akuersissummik pigisaqartup aatsitassanut ikummatissanullu inatsimmi §§ 15 aamma 16 malillugu akuersissutinik pigisaqartunut allanut illersorneqarnissaa siunnerfigineqarpoq.

Annikitsumik aatsitassarsiornissamut pigisaqartut (kisermaassisussaatitaanani akuersissutinik pigisaqartut) sumiiffimmi piiaanissamut akuersissummi pineqartunut ilaasumi aatsitassat pillugit aatsitassarsiorluni misissuinermi aamma piiaanermi ingerlatassanik suliaqarnissamik, piiaanissamut akuersissummik pigisaqartoq isumaqatigiissuteqarfigalugu periarfissaqarnerat pillugu aatsitassanut ikummatissanullu inatsimmi § 34a-imi aalajangersagaq atuutereersoq, allanngortitsinissamik siunnersuutigineqartumi kalluarneqassanngilaq

- c) Aalajangersagaq najugaqavissut sumiiffimmi akuersissuteqarfiusumi assersuutigalugu piniariarlutik sunngiffimmi sammisaqarsinnaanerannik killiliiva?

#### *Apeqqummut 1 c)-imut akissut*

Aalajangersagaq siunnersuutigineqartoq aatsitassarsiorluni ingerlatanuinnaq tunngassuteqarpoq, aalajangersimasumik najugaqartut allanik ingerlataqarnissamut (sukisaarsaarnermut imaluunniit inuussutissarsiornermut tunngasuusinnaasoq) periarfissaqarneranni inatsisitigut inissisimaneq, taamaalilluni allanngortitsinissamik siunnersuut malillugu taamaalilluni taamaaginnartussaavoq.

Aatsitassanik piiaanissamut akuersissummik pigisaqartup taamaalilluni sumiiffimmi pisinnaatitaaffiit atuutereersut ataqquisussaassavai.

Inatsisit atuutereersut malillugit aammalu allanngortitsinissaq siunnersuutigineqartoq malillugu sumiiffinnut taakkualuunniit ilaannut piiaanissamut akuersissummi pineqartunut ilaasunut iserniarnissamut killilersuisoqarsimasinnaavoq, assersuutigalugu tamanna isumannaallisaaneq eqqarsaatigalugu pisariaqarpat ungaluliinikkut.

- d) Ataatsimiititaliap paasinninnera malillugu aalajangersakkakkut taamaallaat siunertarineqarpoq ingerlatseqatigiiffiit sumiiffimmi kisermaassilluni aatsitassanik aalajangersimasunik piiaanissamut akuersissuteqartut, ingerlatseqatigiiffiit allat piffimmi pineqartumi aatsitassanik allanik misissuinissamut piiaanissamullu akuersissummik tunineqannginnissaannut qulakkeerunneqarnissaat.

Taama paasinninneq eqqorpa?

*Apeqqummut 1 d)-imut akissut*

Inuussutissarsiornermut Aatsitassanullu Ataatsimiititaliap aalajangersakkamut paasinninnera eqqorpoq.

Allannguutissatut siunnersuutigineqartoq aatsitassanut ikummatissanullu inatsimmi §§ 15 aamma 16 malillugit pisinnaatitsissummik pigisaqartunut allanut taamaallaat tunngassuteqarpoq. Suliffissuaqarnermi aammalu aningaasaliisartut akornanni sumiiffinni kisermaassisussaataaaffiusuni pisinnaatitaaffinnik unammilleqatigiittunik tunniussisoqarsinnaanerani aarleqquteqarlutik isumanerluuteqarneq pissutigalugu taanna ilanngunneqarpoq, tassami inatsisit atuuttut malillugit pisinnaatitsissummik pigisaqartut allat sumiiffimmi ataatsimi aatsitassanik paaanissamut pineqartunut ilaanngitsumi aatsitassarsiorlutik misissuinissamut aamma aatsitassanik paaanissamut akuersissummik pissarsisinnaanerat, eqqarsaatigiinnarlugu periarfissaammat.

**2. Imminut akilersinnaassutsip misissorneqarneranik tunniussisussaataaernerup atorunnaarsinneqarnera**

Ullumikkut paaanissamut akuersissummik pissarsisinnaassagaanni qinnuteqartup nalunaarusiamik (imminut akilersinnaassutsip misissorneqarneranik), aatsitassamik pineqartumik paaanermi aningaasaqarnikkut pissarsiassatut naatsorsuutigineqarsinnaasut pillugit paasissutissiisumik nassiussaqaarsimanissaa piumasagaataavoq. Piumasagaatip taassuma atorunnaarsinneqarnera inatsisissatut siunnersuutip nassataraa.

Atorunnaarsitsineq Namminersorlutik Oqartussat uku pillugit isumaqatigiinniuteqarnissamut- aalajangiinissamullu tunngavissaannik ajornerulersitsissava:

- a. Qinnuteqartup VSB pillugu nassuiaasiaanik (inuiaqatigiit eqqarsaatigalugit attanneqarsinnaasumik ingerlatsisinnaanermik nalilersuineq) akuersissutiginninneq.

*Apeqqummut 2 a)-imut akissut*

Aatsitassanut ikummatissanullu inatsimmi § 77, imm. 2 naapertorlugu VSB-mut nassuiaatip "ingerlatap toqqaannartumik toqqaannanngitsumillu inuiaqatigiinni pissutsinik sunniutissai tulluurtumik uppernarsassavai, nassuiarlugit nalilersorlugillu, kiisalu



*pissutsit akornanni ataqatigiissutit, pissutsit tamakku akornanni sunniutit kiisalu pissutsit sunniuteqarnerisa sunniutit katersuuttut”.*

VSB-mut nassuiaat, aatsitassarsiorfissat ataasiakkaat assersuutigalugu qanoq annertutigisumik nunaqavissunik sulisoqassanersut aammalu suliffeqarfinnik nunatsinneersunik atuissanersut kiisalu qanoq annertutigisumik Kalaallit Nunaanni suliareqqiisoqassanersoq, atugassarititaasunik aalajangersaanissamut Naalakkersuisut aalajangiinissamut tunngavissaanni ilaatinneqarpoq. Allatut oqaatigalugu, aatsitassarsiorfissami ingerlatassat qanoq annertutigisut Kalaallit Nunaanni ingerlanneqassanersut killissalersuinnermut VSB-mut nassuiaat tunngavissiiisussaavoq. Taamatut killissalersuineq, Kalaallit Nunaanni suliffeqarnek aamma inuussutissarsiortut qanoq sunnerneqassanersut, sunniuteqartussaavoq. Ataatsimut isigalugu oqaatigineqarsinnaavoq, ingerlatassat amerlanerit Kalaallit Nunaanni inissisimappata, Kalaallit Nunaanni sulisussanut sullivissanut periarfissat amerlanerusussaapput aammalu Kalaallit Nunaanni suliffeqarfinnut niuernissamut periarfissat amerlanerusussaallutik.

Taamaattumik VSB-mut nassuiaat taassumalu akuersissuteqarfigineqarnera Naalakkersuisut makkua pillugit atugassarititaasunik aalajangersaanissamut aalajangiinissaannut tunngavissanut ilaatinneqarpoq

- Nunaqavissunik sulisoqarnek (§ 18, imm. 1)
- Suliffeqarfinnik nunatsinneersunik atuneq (§ 18, imm. 2)
- Aatsitassanik Kalaallit Nunaanni suliarinninnerup annertussusissaa (§ 18, imm. 3)

Maannamut suleriaaserineqartumi imminut akilersinnaassutsimut misissuineq, ingerlatseqatigiiffiit § 29, imm. 2 malillugu peqarfimmik niuerutigalugu piiarneqarsinnaasumik paasinarsisitsisussaananeranut atatillugu nassiunneqartartoq, VSB-mut nassuiaammik suliaqarnermut tapertaasarsimavoq. Inatsisip allanngortinneqarnerata malitsigisaanik aatsitassarsiorfimmi ingerlatassatut pilersaarutigineqartut tutsuiginartumik nassuiarneqarnissaannik piunasaqarsinnaatitaanissamut Naalakkersuisut siunissami § 29, imm. 2-mut taarsiullugu § 77, imm. 2-mut innersuussisartussaassapput. VSB-mut nassuiaat ingerlatseqatigiiffimmi suliarineqartoq aatsitassarsiorfimmi ingerlatassat inuiaqatigiinnut tunngasunut sunniutissaannik naapertuuttumik paasinarsisitsinersoq, nassuiaanersoq nalilersuinersorlu naliliinissamut, imminut akilersinnaassutsimut misissuineq tunngavisseeqataasinnaavoq. Ingerlatseqatigiiffik qinnuteqartoq aatsitassarsiorfimmi ingerlatassanik nammineq pilersarusiornerminut atatillugu imaluunniit/aamma

assersuutigalugu VSB-mut nassuiaammik aamma VVM-mut nassuiaammik suliaqarnermut atatillugu, imminut akilersinnaassutsimik misissuineramik suliaqartarpoq, aatsitassarsiorfimmi ingerlatassanik pilersaarutigineqartunik nassuiaaviummik, taamaattumik imminut akilersinnaassutsimut misissuineq nassiunneqassasoq Naalackersuisut piumasaqaatigisinnaassavaat. Taamaattoq siunissami assigiinngissutaasoq tassaassaaq, imminut akilersinnaassutsimut misissuinermi peqarfimmik niuerutigalugu piarneqarsinnaasumik killissalersuinersoq paasinarsisitsinersorlu Naalackersuisut pisortatigoortumik *akuersissuteqarfisussaassanngikkaat.* Aamma imminut akilersinnaassutsimut misissuinerup sukumiissusaa allaassuteqarsinnaassaaq, ingerlatassamik nalilersuineq qanoq qularnaatsiginersoq allaassuteqarsinnaalluni.

- b. Paragraf 18 malillugu atugassiissutinik aalajangersaaneq, § 19 malillugu piiaanissamut pilersaarummik akuersissutiginninneq, § 43 malillugu matusinissamut pilersaarusiap akuersissutigineqarnera kiisalu § 86 malillugu akuersissutit.

### ***Apeqqummut 2 b-imut akissut***

Taamaallaat aatsitassanut ikummatissanullu inatsimmi § 29, imm. 2-mut tunngatillugu, imminut akilersinnaassutsimut misissuinissaq piumasaqaataajunnaartussaavoq. Suli aatsitassanut ikummatissanullu inatsimmi § 16 naapertorlugu piiaanissamut akuersissummik tunniussisoqarsinnaalinnginnerani, suliassamut pilersaarut tamakkiisoq aammalu pisuni aalajangersimasuni imminut akilersinnaassutsimik misissuineq (aalajangersimasumik annertussusilik) pisariaqartinneqartussapput. Aatsitassanut ikummatissanullu inatsimmi § 18, imm. 3 naapertorlugu Kalaallit Nunaanni sularinninnissaq pillugu piumasaqaammik aalajangersaanermi pisinnaatitsissummik pigisaqartoq aallaaviatigut imminut akilersinnaassutsimut misissuineramik tunniussisussaassaaq, aammalu pisinnaatitsissummik pigisaqartoq imminut akilersinnaassutsimut misissuineramik suliaqarsimappat, taanna suliassamik nalinginnaasumik nalilersuinermi ilaatinneqassalluni, takuuk siuliani akissut.

Aatsitassarsiorfiutileqatigiiffik qanoq annertutigisumik Kalaallit Nunaanni sularieqqiineramik ingerlatsissanersoq, Naalackersuisut aatsitassanut ikummatissanullu inatsimmi § 18, imm. 3 naapertorlugu piumasaqaatinik aalajangersaasinnaapput. Sulisartunik nunaqavissunik aamma ingerlatseqatigiiffinnik maani najugaqartunik akuutitsinissamut

kiisalu Kalaallit Nunaanni piginnaasaqarfinnik inerisaanissamut tunngasut saniatigut, Naalakkersuisut Kalaallit Nunaanni suliareqqiinerup annertussusissaanik aalajangersaaneranni, Kalaallit Nunaanni aamma Kalaallit Nunaata avataani suliareqqiinerup ingerlanneqarnerani nunap karsiata aamma ingerlatseqatigiiffiup isertitassaannik oqimaaqatigiissaarineq, tunngavigineqassaaq. Taamaattoq Kalaallit Nunaanni suliareqqiineq pillugu nalilersuinermut tunngatillugu qinnuteqartup suut uppersarsinnaassaneraa aammalu atugassarititaasut suut malinneqassanersut, suli piomasaaqatit ersarissuunngillat. Tamatuma ersarissisinnissaa Naalakkersuisut sulissutigaa.

Imminut akilersinnaassutsimut misissuineq suli aatsitassanut ikummatissanullu inatsimmi §§ 19 aamma 43 naapertorlugit piiaanissamut matusinissamullu pilersaarutiniq suliaraqarnermut aallaaviusussaavoq, ilanngullugit suliassami pingaarnertigut attaveqatigiinnerup kiisalu piiaanerup naammassereernerata kingorna suliassap matuneqarnissaanut qularnaveeqqusiinerup aalajangersarneqarnerat.

Aatsitassanut ikummatissanullu inatsimmi § 86 naapertorlugu ingerlatassanut akuersissuteqarnermi imminut akilersinnaassutsimut misissuineq annikitsuinnarmik aallaavigineqartarpoq.

### **3. Piffissamut killiliussat pillugit atugassarititaasut**

Piffissamut killissaliussat aalajangersimasut pillugit atugassarititaasunik Naalakkersuisut aatsitassanik piiaanissamut akuersissummi aalajangersaasinnaasut inatsisissatut siunnersuummi § 30, imm. 2-mi allassimavoq. Ataatsimiititaliap aalajangersagaq taanna oqaluuseraa, tamannalu tunngavigalugu misissueqqaarnermut akuersissutinut tunngatillugu aamma aalajangersagaq atuutsinneqartariaqarnersoq isumaliutigalugu. Tamanna aatsitassarsiorluni suliniutip pineqartup siuariartorfiunissaa qulakkearniarlugu kiisalu kisermaassilluni misissuinissamut akuersissutit, pingaarnertut allat sumiiffimmi pineqartumi ingerlatsinissamut qinnuteqarnissaat mattunniarlugu qinnutigineqartarnissaat pinaveersaarniarlugu.

- a) Misissueqqaarnissamut akuersissutit aalajangersakkap oqaasertaanut ilanngunneqarnissaanut pissutsinik akerliusunik aatsitassarsiorluni inuussutissarsiummi peqarpa?

### *Apeqqummut 3 a)-inut akissut*

Aatsitassarsiorluni misissuinissamut akuersissut Kalaallit Nunaanni aatsitassarsiorluni misissuinissamut aamma misissueqqaarnissamut akuersissutinut (ikummatissiassat ilaanatik) atugassarititaasut nalinginnaasut naapertorlugit maleruagassiivigineqarput. Tassani toqqaannangitsumik piffissalersuinerit aalajangersagaapput, paasillugu pisinnaatitsissummik pigisaqartut aatsitassarsiorluni misissuinissamut pisussaaffeqartut – aningaasartuutit aningaasartaqarlutik, ukiut tamaasa aatsitassarsiorluni misissuinermit atorineqartussanik.

Aatsitassarsiorluni misissuinissamut pisussaaffeqarneq angissuseq pisoqaassuserlu malillugit naatsorsorneqartarpoq. Tassa imaappoq akuersissutip pisoqaliartornerani, ukiut tamaasa ukiumut aningaasartaliussat qaffakkiartussapput, peqatigisaanillu aningaasartai km-mut qaffakkiartussallutik. Tamatuma kingunerisaanik pisinnaatitsissummik pigisaqartoq ingerlatassanik suliaqarnissamut pinngitsoorani pisussaatinneqartarpoq. Aammattaaq pisinnaatitsissummik pigisaqartoq, aatsitassarsiorluni misissuinerminik siunnerfeqartitsinissamut aamma akuersissutip pisoqaliartornerani akuersissutip angissusaanik annikillisisilluni naleqqussaannissamut, pinngitsoorani pisussaatinneqartarpoq. Tassa imaappoq, aatsitassarsiorluni misissuineq sukkaasuumik aallussiviulertarpoq aammalu nunaminertat tassani soqutiginartinneqanngitsut utertinneqartarlutik.

Aatsitassarsiorluni misissuinissamut akuersissutit ukiunut 5-inut tunniunneqartarput. Aatsitassarsiorluni misissuinissamut akuersissutit ukiunik 5-inik tamatumalu kingorna ukiut pingasukkaarlugit sivitsorneqarsinnaapput. Pisinnaatitsissummik pigisaqartup aatsitassarsiorluni misissuinissamut pisussaaffini naammassisimangippagit, Naalakkersuisut akuersissutip sivitsorneqarnissaa itigartissinnaavaat. Pisinnaatitsissummik pigisaqartup ukiumut ataatsimut pisussaaffini naammassisimangippagit, amigartoorutaasut ukiup tullianut nuutinneqarsinnaapput. Imaluunniit pisussaaffiit 50 %-ii aningaasaqarnikkut taarsiissutaassasut Naalakkersuisut piumasarisinnaavaa. Aatsitassarsiorluni misissuinissamut pisussaaffiit suli naammassineqarsimangippata Naalakkersuisut akuersissut uterteqqusinnaavaat. Ukiup 5-ip, ukiup 10-ip kingorna tamatumalu kingorna ukiut pingasukkaarlugit sivitsuinerni, aningaasartat piumasaqaatigineqartut atorlugit ingerlatassat naammassineqarsimallutik imaluunniit aatsitassarsiorluni misissuinissamut pisussaaffiit 50 %-iinik taarsiissutissanik akiliilluni,

aatsitassarsiorluni misissuinissamut pisussaaffiit  
naammassineqarsimassapput.

Kalaallit Nunaanni asimi suliaqarfiusussaq sivikitsuinnaasarpog  
(inissisimanagera apeqqutaalluni juni-september). Taamaattumik  
piffissaliussat sivikinnerat unammillernartoqarsinnaasarpog, tassami  
assersuutigalugu silarlunnera imaluunniit ukiumi ataatsimi  
aningaasalersuisussarsisinnaannginneq pissutigalugit sukkasuumik  
ukiumi ataatsimi aatsitassarsiorluni misissuinissaq  
annaaneqarsinnaasarmat.

- b) Taamaattoqanngippat misissueqqaarnissamut akuersissummi  
piffissamut killiliussamik piunasaqaamimik ilanngussinissamut  
Naalakkersuisut aamma periarfissinneqarnissaat piareersimaffigaajuk?

#### *Apeqqummut 3 b)-imut akissut*

Maannamut maleruagasseeriaaseq isumatusaartorujussuarmik  
ingerlasimavoq, taanna pinsinnaatitsissummik pigisaqartunut aamma  
allaffissornikkut suliariuminartuulluni/paasiuminartuulluni.  
Naalakkersuisut akuersissummi ingerlatassat piviusumik  
ingerlanneqarnissaannik kissaateqarnera, periaatsimi naammassineqarpoq.  
Aatsitassarsiorluni misissuineq qitiutinneqassaaq/aallunneqassaaq  
aammalu nunaminertat pingaaruteqanngitsut soqutiginnittunut allanut  
sukkasuumik atorneqarsinnaasunngortinneqassallutik. Taamatuttaaq  
pinsinnaatitsissummik pigisaqartoq aatsitassarsiorluni misissuineri  
ingerlatanik suliaqanngippat, aatsitassarsiorluni misissuinissamut  
piunasaqaatit naammassisinnaanngikkaat, taamaalillutillu  
Naalakkersuisut akuersissut uterteqqusinnagaat, tamanut naleqquttumik  
paasiuminarluni.

#### **4. Tusarniaaneq**

Ataatsimiititaliap maluginiarpaavataanit tusarniaanermut akissummik  
ataasiinnarmik tiguisoqarsimasog (Kommune Kujalleq). Ataatsimiititaliaq  
ataani allassimaneratut apeqquteqarnissaminut tunngavissaqarsoraq.

- a) Inatsisissat siunnersuut Naalakkersuisunut  
tusarniaassutigineqarsimasog, tamatumalu saniatigut 1. apriliimit 6.  
maajip tungaanut Namminersorlutik Oqartussat tusarniaanermut  
nittartagaatigut tamanut saqqummiunneqarsimasog inatsimmut  
nassuiaatini allassimavoq. Siunnersuutip illuatungerisanut  
avataaneersunut tusarniaassutigineqarsimanninneranut suna  
tunngaviua?

#### *Apeqqummut 4)-inut akissut*

Inatsisissatut siunnersuutip kalaallisut danskisullu tamanut ammasumik tusarniaassutigineqarnerata saniatigut, taanna pisortatigoortuunngitsumik tuluttuunngorlugu, pisortatigoortuunngitsumik pisinnaatitsissummik pigisaqartunut pioreersunut tusarniaassutigalugu nassiunneqarpoq. Aatsitassanut Suliffeqarnermullu Naalackersuisoqarfik tassunga atatillugu pisinnaatitsissummik pigisaqartunit arlalinmit aammalu Sulisitsisunit tusarniaanermut akissuteqaatinik tigusaqarpoq. Tassami tamanut ammasumik tusarniaaneq imminermini avataaniittunut tusarniaaneruvoq.

Ingerlatseqatigiiffiit amerlasuut oqaloqatigiinnermik taamatut iluseqartumik atuerusunnerusarnerat, pisortatigoortuunngitsumik oqaloqatigineqarnissaasa naleqquttut isigineqarsimaneranut pissutaavoq. Aammalu taamaaliornikkut unneqqarinnerusumik akissutissarsisoqartarpoq Aatsitassanut Suliffeqarnermullu Naalackersuisoqarfiup ilimagaa. Tusarniaanermut akissuteqaatit isertuussaangillat, kisianni tuluttuujullutik aammalu ataatsimiititaliamut tunniunneqarsinnaallutik.

Pisortatigoortuunngitsumik tusarniaanermut akissuteqaatit soqutigisaqartunit makkuninngaaneersut Aatsitassanut Suliffeqarnermullu Naalackersuisoqarfiup tiguai:

- Sulisitsisut (Greenland Business Associations (GBA) Branche Committee for Raw Materials sinnerlugu)
- North American Nickel Inc
- Tanbreez

Sulisitsisut isumaqarput piffissaliussanik aalajangersaanissamut § 30, imm. 2-imi siunnersuutigineqartumi inatsimmi tunngavissaq pisariaqanngitsoq, tassami Naalackersuisut piffissamut killissaliussanik aalajangersaasareermata, aammalu siunnersuutigalugu aalajangersagaq peerneqassasoq. Aammattaaq isumaqartoqarpoq piffissamut killissaliussat pisinnaatitsissummik pigisaqartunut isumaqatiginninniutigineqartariaqartut, aammalu illuinnarsiortumik Naalackersuisunit aalajangersarneqartariaqanngikkaluartut.

Eqqorpoq Naalackersuisut piffissamut killissaliussanik aalajangersaanissamut inatsimmi tunngavissaqareersut, aalajangersagaq siunnersuutigineqartoq taamaallaat tassunga tunngasut erseqqissarniarlugit ilanngunneqarpoq.

Piffissamut killissaliussat pisinnaatitsissummik pigisaqartunut isumaqatiginninniutigineqartarnissaannik kissaateqarnermut tunngatillugu, tamanna inatsimmi tunngavissinneqartariaqartoq Naalakkersuisut isumaqangillat. Pisinnaatitsissummik pigisaqartut qanoq pisoqaraluarpulluunniit piffissamut killissaliussinissanut eqqarsaatigineqartunut oqaaseqarnissamut akerliliinissamullu periarfissaqarput, kisianni isumaqatiginninniarnert inatsisinut ilaaterneqassappata, Naalakkersuisut piffissaliussanik suliassap siumut ingerlanissaanik qulakkeerinissamut tunngatillugu pisariaqartinneqartunik, aalajangersaanissamut periarfissaaruttussaapput, inuiaqatigiinni iluaqutissartaasut annaasinnaaneranik malitseqartumik.

North American Nickel Inc.-ip siunnersuut tikilluaquaa aammalu § 29, imm. 4 siunnersuutigineqartoq aamma aatsitassarsiorluni misissuinissamut akuersissutinut atuuttussanngorlugu annertusitinneqassasoq siunnersuutigalugu. Aammattaaq akuersissutinik utertitseqqusineq peqqissaartumik suliamik ingerlatitsineq malillugu pisassasoq, erseqqissartikkusuppaa.

Naalakkersuisut § 29, imm. 4-imi aalajangersakkap aatsitassarsiorluni misissuinissamut akuersissutinut atuuttussanngorlugu annertusitinneqarnissaa pisariaqarsorinngilaat, tassami aatsitassarsiorluni misissuinissamut akuersissut aatsitassanik tamaginnik aatsitassarsiorluni misissuinissamut kisermaassisussaatitaatitsimmat (tassani aatsitassarsiorluni misissuinissamut atugassarititaasut nalinginnaasut malinneqarput) taamaalillunilu aatsitassarsiorluni misissuinissamut akuersissutinut tunngatillugu pisinnaatitsissutit unammilleqatigiilersinnaanatik. Piiaanissamut akuersissutinut tunngatillugu aalajangersakkap ilanngunneqarnissaa pisariaqartinneqarmat, piiaanissamut akuersissutip taamaallaat aatsitassanut immikkuullarissunut, piarneqartussatut kissaatigineqartunut, tunngassuteqarnera pissutaavoq, taamaalillunilu eqqarsaatigiinnarlugu aatsitassarsiorluni misissuinissamut akuersissut sumiiffimmi ataatsimi aatsitassanut allanut tunniunneqarsinnaavoq.

Utertitseqqusineq peqqissaartumik suliamik ingerlatitsinikkut pissasoq erseqqissaanissamut tunngatillugu, tamanna pisariaqartoq Naalakkersuisut isumaqangillat, tassami tassunga tunngasoq pisortat ingerlatsineranni tunngaviusunit nalinginnaasunit maleruagassaqartinneqarpoq.

Allannguutissatut siunnersuutit annertuumik naammagisimaarlugit Tanbreez-ip oqaatigaa, kisianni peqatigisaanik aamma oqaatigalugu

aatsitassanut ikummatissanullu inatsimmi § 18, imm. 3-imi aalajangersakkap, Kalaallit Nunaata avataani suliareqqiisarnermut tunngasup, allanngortinneqarnissaa kissaatigalugu.

Tamanna maannakkorpiaq Aatsitassanut Suliffeqarnermullu Naalackersuisoqarfimmi isumaliutersuutigineqarpoq, kisianni annertunerusunik misissuinissaq pisariaqarluni

b) Suliffissuaqarnermik ingerlatsisunik oqaloqatiginninneq tunngavigalugu inatsimmi allannguutissat siunnersuutigineqartut allanngortinneqarpat?

#### *Apeqqummut 4 b)-imut akissut*

Allannguutissat siunnersuutigineqartut, suliffissuit sivisuumik oqaloqatigisareernerini aammalu immikkut ilisimasallit nalilersuinerinik piniareernerup kingorna, siunnersuutigineqarput. Allannguutissat siunnersuutigineqartunut tunngatillugu siunnersuutip saqqummiunneqarnissaa sioqqullugu pissutsit tamarmik misissorneqarnissaat Aatsitassanut Suliffeqarnermullu Naalackersuisoqarfiup pingaartissimavaa, soorlu apeqqutit aalajangersimasumik najugaqartut pisinnaatitaaffiitut tunngasut paasinarsinneqarnissaat. Tamanna immikkut pisariaqarsorineqarpoq, allannguutissat siunnersuutigineqartut suliffissuarnit, pisuni tamaginni Kalaallit Nunaanni oqartussatuulli soqutigisaqanngissinnaasunit, kissaateqarnek malillugu pimmeta.

Kalaallit Nunaanni aatsitassanut inatsit pillugu nalunaarusiaq tuluit siunnersuisartut suliffeqarfianni MineHutte-mi Aatsitassanut Suliffeqarnermullu Naalackersuisoqarfiup suliaritippaa.

Nalunaarusiami ilaatigut aatsitassarsiorluni misissuinissamut akuersissummik pigisaqartup paaanissamut akuersissummik tunineqarnissamut pisinnaatitaanera, aammalu tunniussinerup tunngavissarititaasut kinaassusersiunngitsut tunngavigalugit pisarnissaa, annertuumik pingaartinneqarput. Peqarfiup niuerutigalugu piarneqarsinnaasutut paasinarsinneqarnissaa pillugu piumasaqaat ajornartorsiutitaqartutut nalunaarusiami uparuarneqanngilaq, tassami piumasaqaat tunngavissarititaasutut kinaassusersiunngitsutut maannakkut isikkoqarmat. Taamaattoq pissusiviusuni imminut akilersinnaassutsimut misissuinerinik nalilersuinerit, tunngavissarititaasut



kinaassusersiunnigitsut aallaavigalugit suliarinissaat, ajornakusoorpoq, tamannalu aamma pisinnaatitsissummik pigisaqartut arlallit tikkuarpaat. Imminut akilersinnaassutsimut misissuinerit nalilersornissaannut Aatsitassanut Suliffeqarnermullu Naalakkersuisoqarfik naammattunik immikkut ilisimasaqanngilaq. Taamaattumik imminut akilersinnaassutsimut misissuinerit siunnersortinit avataaneersunit, aatsitassarsiorfissat assigiinngitsuunerat pissutigalugu tamatigut assigiittanngitsunit, nalilersorneqartarput aammalu siunnersortit avataaneersut taakkua nalilersuinerminni tunngavissarititaasunik assigiinnik atuinngissinnaammata, Naalakkersuisoqarfiup aalajangiinera nammineq isumani malillugu pisutut isikkoqalertarpoq. Imminut akilersinnaassuseq pillugu piumasaqaatip atorunnaarsinneqarnerani, aammalu naliliinermi nunani tamlaani malitassat tunngavissarititaasunik kinaassusersiunnigitsunik atuiffiusussat aallaavigineqartalerneranni, peqarfiup paasinarsisneqartup nalilersorneqarnerani tunngavissarititaasut suut pingaartinneqassanersut, pisinnaatitsissummik pigisaqartut qularutigiunnaassavaat.

Pisinnaatitaaffiit unammilleqatigiittut mattunneqarnerannut tunngatillugu, pisinnaatitsissummik pigisaqartut kisermaassisussaatitaallutik pisinnaatitaaffeqalersinnissaat pingaaruteqartoq, nalunaarusiami ersarissorujussuarmik inassutigineqarpoq.

Piffissamut killissaliussanik aalajangersaanissamut inatsimmi tunngaviusoq nalunaarusiami sammineqanngilaq, aammalu oqaatigineqarpoq Naalakkersuisut maleruagassat atuuttut naapertorlugit piffissamut killissaliussanik aalajangersaasinnaaersut. Piaanissamut akuersissummi piffissamut killissalersuisoqarsinnaasoq pisinnaatitsissummik pigisaqartunut erseqqissarniarlugu, aalajangersagaq ilanngunneqassasoq siunnersuutigineqarpoq.

- c) Isumaqarpit inatsisiliornikkut iliuitsimut suliffissuaqarnerup tungaanit naammagisimaarinnittoqarnera suliffissuaqarnermit qisuariartoqannginneranut pissutaasoq?

***Apeqqummut 4 c)-imut akissut***

Aatsitassanut Suliffeqarnermullu Naalakkersuisoqarfik matuma siuliani taaneqartut, siunnersuummut saqqummiunneqartumut suliffissuarnit arlalinnik qisuariaatinik tigusaqarpoq. Siusinnerusukkut aamma pisinnaatitsissummik pigisaqartut ataasiakkaat pisortatigoortumik aamma

pisortatigoortuunngitsumik ingerlaavartumik oqaloqatigineqartarput, ksianni aamma 2019-imi PDAC-imi suliffissuit nalinginnaasumik qulequtaq taanna pillugu oqaloqatigalugit ataatsimeeqatigineqarput.

Allannguutissatut siunnersuutigineqartut ataatsimut isigalugu naammagisimaarneqartut, oqaloqatigiinnerni aammalu tusarniaanermut akissuteqaatini tiguneqartuni oqaatigineqarpoq. Taamaattoq aamma aatsitassanut ikummatissanullu inatsimmut allannguutissanik arlalinnik kissaateqartoqartoq, tusarniaanermut akissuteqaatini tiguneqartuni arlalinni oqaatigineqarpoq. Assersuutigalugu pisinnaatitsissummik pigisaqartoq aatsitassanut ikummatissanullu inatsimmi § 18, imm. 3 malillugu qaqugukkut Kalaallit Nunaata avataani aatsitassanik suliareqqiinnissamut akuersissummik pissarsisinnaanersoq, ersarissarneqarnissaa kissaatigalugu saqqummiisoqarpoq. Tamanna maannakkorpiaq Aatsitassanut Suliffeqarnermullu Naalakkersuisoqarfimmit isumaliutersuutigineqarpoq, kisianni annertunerusumik misissuinissaq pisariaqarluni. Inatsimmut allannguutit inuiaat kalaallit pilliutigalugit suliffissuarnut illuinnarsiortumik iluaqutissarsititsissanngitsut, Naalakkersuisut eqqumaffigisorujussuaat.

## **5. Nalinginnaasut (Inatsisissatut siunnersuutikkut killiliussat avataatigut)**

Aatsitassanut inatsimmi atuuttumi § 18-imi arlalinnik aalajangersagaqarpoq, taakkunani aatsitassanik misissueqqaarnermut -paaanissamullu akuersissutikkut sulisunik pilersuisunillu kalaallinik atuinissamut, nunami maani suliareqqiisarnissamik kiisalu misissueqqaarnerup paaanerullu inuiaqatigiit eqqarsaatigalugit attanneqarsinnaasumik ingerlanneqarnissaasa qulakkeerneqarnissaanut pilersaarutunik suliaqarnissamik atuutsitsinissamillu atugassiinissamut Naalakkersuisunut periarfissinneqarlutik.

- a) Isumaqarpit Namminersorlutik Oqartussat ingerlatseqatigiiffinnik aatsitassarsiortunik pilersaariumallutik atugassiissutinik taamaattunik aalajangersaanissaminnut maannamut tunuarsimaarsimasut imaluunniit atugassiissutinik qajassuussisorujussuarnik aalajangersaasimasut?

### ***Apeqqummut 5 a)-imut akissut***

Aatsitassanut suliassaqarfik Kalaallit Nunaanni iluatsilluassappat, taanna aningaasaliisartunut aamma inuiaqatigiinnut kalaallinut iluatsitsilluarfiussaaq.

Aatsitassanut Suliffeqarnermullu Naalakkersuisoqarfik nunaqavissunik sulisoqarnissaq aamma nunatsinni najugaqartunik suliffeqarfinnik akuutitsinissaq pillugit aatsitassarsiortuni misissuinissamut akuersissutinut

sukanninnginnerusunik piunasaqaateqarpoq, tassami siunissami aatsitassarsiorfimmik ingerlatsinissaq siunertaralugu nunap sannaani peqarfiit nunap assiliornissai Kalaallit Nunaata soqutigisaraa.

Kisiannili piiaanissamut akuersissutinut piunasaqaatit sukannernerupput, tassani aatsitassarsiorfiutileqatigiiffiit Kalaallit Nunaanni nunap iluanit aatsitassanik tiguisarmata aammalu isertitaqalertarlutik. Piiaanissamut akuersissutit piunasaqaatinik imaqarput, nunaqavissunik sulisoqarnissamik aammalu suliffeqarfinnik maani najugaqartunik akuutitsinissamik annertunerpaamiititsilertussanik, aammalu suliareqqiineq sapinngisamik Kalaallit Nunaanni pissasoq pillugu piunasaqaateqartoqarluni. Taamaaliornikkut aatsitassarsiorfiutileqatigiiffinni, pilersuisuusussani nunaqavissunut suliffissat aammalu piginnaangorsaaneq kiisalu Nunap karsiata isertitassai annertunerpaamiitinneqarput.

Aatsitassarsiornermut suliassaqarfimmi Kalaallit Nunaanni misilittagarineqalersut tunngavigalugit Aatsitassanut Suliffeqarnermullu Naalackersuisoqarfiup ingerlatseqatigiiffinnut suliffissuarnullu ataatsimut isigalugu ataasiakkaanut piunasaqaatit ingerlaavartumik naleqqussarniarsarisarpai. Tamanna Kalaallit Nunaata aatsitassarsiornermut suliassaqarfimmi aningaasaliiumasoqalersinnaanerata aningaasaliinerillu attatiinnarneqarsinnaanerisa qulakkeernissaa, peqatigisaanillu Kalaallit Nunaanni pissarsiassat aammalu suliffissuaqarnermi iluaqutigineqartussat annertunerpaamiitinneqarsinnaanerata, siunertaralugit pivoq.

Ataatsimut isigalugu Kalaallit Nunaanni aningaasaliinissamut tunngatillugu aningaasartuutit annertooujussuusarput, tassani aatsitassarsiornermik suliaqartut aamma attaveqatigiinneq suli killeqarluni aammalu sila pissutigalugu unammillernartoqarsinnaalluni. Kalaallit Nunaanni aatsitassarsiornermik suliassaqarfimmi maannamuugallartoq aatsitassarsiorfiit marluk pilersinneqareerput, aammalu taanna akiliisinnaajunnaarnermik aamma sivisuumik suliassamik kinguartitsinermik eqqugaasimalluni. Tamanna tunngavigalugu, taannaanaq isigalugu, aatsitassarsiornermut suliassaqarfiup atugassarititaasunik sukanninnginnerusunik pisussaaffiliivigineqarnissaanut ersiuteqanngilaq.

Aatsitassarsiorinissamut suliassanut ataasiakkaanut tunngatillugu, ilaatigut nunaqavissunik sulisoqarnissamut aammalu inuussutissarsiortunik maani najugaqartunik akuutitsinissamut tunngatillugu, Kalaallit Nunaanni periarfissanut ataqatigiissillugu eqqortunik piunasaqaateqarnissaq apeqqutaavoq – aatsitassarsiornermut suliassaqarfimmi piunasaqaatinik amerliartuinnartunik imaluunniit ikiliartuinnartunik pisussaaffiliinissaq apeqqutaanerunani. Taamaattoq misilittagaavoq, piunasaqaatit naleqquttuussasut ilisimaneqariissasullu (paasiuminarlutik), tamannalu

Aatsitassanut ikummatissanullu inatsisip Aatsitassanut inatsisinngorlugu allanngortinneqarnerani pisussaasinnaasumi tamatigut ilaatinneqassaaq.

- b) Misissueqqaarnerit piaanerillu innuttaasunut najugaqavissunut suliffissaanik nunatsinnilu inuussutissarsiortut siuariartornissaannik pilersitsinissaat annertunerusumik qulakkeerneqaqullugu qanoq periarfissaqarsoraajuk?

#### *Apeqqummut 5 b)-mut akissut*

Piaanermik suliassani innuttaasut inuussutissarsiortullu nunatsinni najugaqartut akuutinneqarnissaat pillugu aatsitassarsiorfiutiqatigiiffinnut piunasaqaateqarneq, aammalu innuttaasut nunatsinni najugaqartut aatsitassarsiornermik suliffissuaqarnermut ilinniartitaanissaat akuleriipput.

Piaanissamut akuersissutinik qinnuteqaatinut atatillugu Inuiaqatigiinni piujuartussamik iluaqutaasumik sunniutaasussanik nalilersuinnermut nassuiaatinik (VSB-mut nassuiaat) suliaqarnissamut ingerlatseqatigiiffinnut ilitsersuisarnermut suli pikkorinnerulertariaqarpugut. Kalaallit Nunaanni sulisussat aatsitassarsiorluni suliffissuarni sulinissamut piukkunnartut VSB-mut nassuiaatini ersarissarneqarnerusariaqarpugut. Aamma VSB-mut nassuiaatit ilinniartitaanernik pikkorissaanernillu Kalaallit Nunaanni neqeroorutigineqartunik, aammalu aatsitassarsiorluni suliffissuarnut naleqquttunik, siunnerfeqarnerusumik nassuiaaviusarnissaat kissaatigaara. Taakkua assersuutigalugu tassaasinnaapput PKU-mi pikkorissaanernik, aatsitassalerinermik ilinniarfimmi neqeroorutigineqartartunik nassuiaanerit pitsaanerusut, imaluunniit aatsitassalerisutut ilinniartitaanerup pitsaanerusumik nassuiarneqarnera.

Aatsitassalerinermik ilinniarfik aamma aatsitassarsiorfiutiqatigiiffiit suli qaninnerusumik suleqatigiittariaqarpugut. Aatsitassarsiornermi suliffissuit (aatsitassarsiorluni misissuinissaq aamma piaanissaq siunertaralugit) aamma ilinniarfitta, pingaartumik Aatsitassalerinermik ilinniarfiup, akornanni qanimut suleqatigiittoqarnerani aatsaat nunatsinni najugaqartut sapinngisamik amerlasuut aatsitassarsiornermi suliffissuarni sulinissamut piukkunnartunngornissaat aatsaat qulakkeersinnaavarput. Kalaallit Nunaanni innuttaasut ikittuinnaammata isumalluutigut ataatsimoortinnerusariaqaraluarpagut, taamaalilluta ilinniartitaanermit avatangiisinik, nunanit aatsitassarsiorfittut ingerlalluareersunit, soorlu Canada, Sverige aamma Australien, ilinniartitsisunik piukkunnartunik pilersitsisviusinnaasunik, pilersitsisinnaalluta, taamaalillutik innuttaasut nunatsinni najugaqartut pitsaanerpaamik piginnaasaqalerlutik.

Pinngitsoorani siunertaavoq, aatsitassarsiornermi suliffissuit inuiaqatigiinni kalaallini piorsarneqassasut akuutinneqassasullu, innuttaasut inuussutissarsiorlullu nunatsinni najugaqartut aatsitassarsiornermi suliffissuarnut, nunami namminermit nunanilu tamalaani aatsitassarsiorfiutileqatigiiffinnik aallaaveqartunut, pissusissamisoortumik ilaallutik.

c) Ingerlatseqatigiiffissuit nunanit tamalaaneersut pitsaasunik atugassaqartinneqarnissaannik nunat tamalaat unammillerneranni peqataanermut taarsiullugu anikitsumik atuinissamut suliniutit alliartortinneqarnerannik pilersitsinissaq ungasinnerusoq isigalugu Kalaallit Nunaanni inuiaqatigiit aningaasaqarnerannut annertunerusumik iluaqutaasinnaava?

#### *Apeqqummut c)-inut akissut*

Aatsitassanut Suliffeqarnermullu Naalakkersuisoqarfik ukiorpassuit ingerlaneranni annikitsumik aatsitassarsiornermut suliassaqrifiup ineriartortitsinissamut ilaatigut suliqaarluni isumasioqatigiissitsinernik taperseeqataavoq aammalu annikitsumik aatsitassarsiornermissamut akuersissutit ataatsimut isigalugit amerliartorsimapput, kisianni maannakkut kisermaassisussaatitaalluni aamma kisermaassisussaatitaanani akuersissutit 60-erluinnangajaallutik ikiliartoqqilersimallutik.


Annikitsumik aatsitassarsiornermissamut akuersissutini ataatsimut isigalugu sammineqarput ujaqqat pinnersaasiassat aamma ilitersuisoqarluni aatsitassarsiorluni angalaartitsinerit aammalu ingerlatassat nalinginnaasumik atortunik tiggumiaannartakkanik atortoqarluni inummit ataatsimit arlalinnilluunniit ingerlanneqartut. Annikitsumik aatsitassarsiornermissamut akuersissutit taamaalillutik aatsitassarsiorluni suliassani ilaatigut saffiugassat nalinginnaasut, saffiugassat teknologiimi atorineqartut aamma saffiugassat erlinnartut kiisalu aatsitassat suliffissuarni atorineqartartut, immikkut qaffasissumik ilisimasaqarnermik aammalu annertuumik annaasaqaataasinnaasunik aningaasaliinernik aallaaveqartut, aallullugit aatsitassarsiorluni suliassani anginerusumik aatsitassarsiorluni misissuinernit piiiaanernillu, allaanerussuteqarput.

Aatsitassarsiornermut suliassaqrifiup suliffissanik aamma pilersuisuusussanut suliassani kiisalu piginnaannngorsaaneramik qulakkeerisussatut, aatsitassarsiorluni suliffissuarnut aamma Kalaallit Nunaanni suliffissuaqarnermut allanut tapertaasinnaasutut, inuussutissarsiornermi pingaarnerit ilaattut ineriartortinneqarnissaanut,

Kalaallit Nunaanni nunani tamalaani immikkut ilisimasaqartunik  
anigaasassanillu pissarsinissaq pisariaqartinneqarpoq.


Annikitsumik aatsitassarsiorluni aatsitassarsiorfimmik ingerlatsineq  
imaluunniit aatsitassarsiorfimmik ingerlatsineq nalinginnaasoq pingaartillugu  
iliuuseqarfigineqarniarnersoq apeqqutigineqarsimappat akissutigissavara,  
'aappaa imaluunniit' pineqanngimmat kisiannili 'aappaa aamma' pineqarluni,  
tassani annikitsumik aatsitassarsiorluni aammalu nalinginnaasumik  
aatsitassarsiorfimmik ingerlatsineq Kalaallit Nunaannut iluaqutaasumik  
ineriartortinneqartussaammata.

Inussiarnersumik inuulluaqquillunga



Erik Jensen

Aatsitassanut Suliffeqarnermullu Naalakkersuisoq



INATSISARTUT

Aatsitassanut Suliffeqarnermullu  
Naalackersuisoq.

Ulloq: 31-10-2019

## UKA19/24 pillugu malitsitut apeqqutit

Asasara Erik

Ilisimatitsiffiusumik ataatsimiinnermut iluatsilluartumut qujanaq. Ilisimatitsiffiusumik ataatsimiinnermut siunersiuinermullu kingullermut malitsitut UKA2019/24-mut tunngatillugu pissutsit malittuani pineqartut annertunerusumik paasisutissiivigineqarnissaat Inuussutissarsiornermut Aatsitassanullu Ataatsimiititaliamit kissaatigineqarpoq. Taamaammat ataatsimiititaliap qinnuigaatit ataani apeqqutinut akissuteqaqqullutit:

1. Inuussutissarsiornermut Aatsitassanullu Ataatsimiititaliamit siunersiorneqarnermi aatsitassanut inatsisip nutarterneqarnissaanut siunnersuummik aappaagu saqqummiussinissaq Naalackersuisunit naatsorsuutigineqartoq.

Aatsitassanut inatsit 1. Januar 2010-mi atuutilerpoq maannamullu tallimariarluni allanngortinneqarsimalluni. Ataatsimiititaliamit maluginiarneqarpoq aatsitassanut inatsimmi allannguikulaarnerit, aatsitassarsiornermik inuussutissarsiummi patajaatsunik sinaakkuteqarnissamik pingaartitsilluinnartumi aarlerinissamut tunngavissiisinnaasut.

Tamanna tunngavigalugu Inuussutissarsiornermut Aatsitassanullu Ataatsimiititaliamit paaserusunneqarpoq Naalackersuisut, aatsitassanut inatsimmik iluarsartuusseqqinnissamut inatsimmi allannguutininik taakkuninnga annertuunik ilanngussinermut taarsiullugu, siunnersuummik maannakkut saqqummiussinissamik toqqaasimanerannut suna tunngaviunersoq. Kinguartitsineq iluanngequtinik imaluunniit ulorianaatinik nassataqarsinnaava?

2. Ullumikkut pijaanissamut akuersissummik pissarsisinnaanermut piumasaqaataavoq qinnuteqartup (imminut akilersinnaaneq pillugu) nalunaarusiamik, aatsitassap pineqartup piarneqarneratigut aningaasaqarnikkut qanoq amerlatigisunik pissarsinissamik naatsorsuuteqarsinnaanermik takutitsisumik nassiusaqarnissaa. Piumasaqaatip taassuma atorunnaarnera inatsisissatut siunnersuutip nassataraa.

Aatsitassarsiornermik ingerlatseqatigiiffinnut piaanissamut akuersissummik peqartunut tunngatillugu Kalaallit Nunaanni akileraartarnermut oqartussaasut akileraarutiniq nakkutilliinissaminnut tunngavissaasa sakkukinnerulernerannik piumasaqaammik atorunnaarsitsineq nassataqarsinnaava?

Inussiarnersumik



Henrik Fleischer

Ataatsimiititaliap Siulittaasua





Asasara Henrik,

**Matumuuna Inuussutissarsiornermut Aatsitassanullu Ataatsimiititaliap 31-10-2019-imi malitsitut apeqqutaanut, una pillugu uunga siunnersuut: Aatsitassat pillugit ingerlatallu tamatumunnga pingaarutillit pillugit Inatsisartut inatsisaata (aatsitassanut ikummatissanullu inatsit) allanngortinneqarnissaa pillugu Inatsisartut inatsisaat nr. xx, xx. xxx-imeersoq (Imm. 24 UKA2019) akissuteqaat.**

#### **Apeqqu 1.**

*Inuussutissarsiornermut Aatsitassanullu Ataatsimiititaliamit siunnersiorneqarnermi aatsitassanut inatsisip nutarterneqarnissaanut siunnersuummik aappaagu saqqummiussinissaq Naalakkersuisunit naatsorsuutigineqartoq.*

*Aatsitassanut inatsit 1. Januar 2010-mi atuutilerpoq maannamullu tallimariarluni allanngortinneqarsimalluni. Ataatsimiititaliamit maluginiarneqarpoq aatsitassanut inatsimmi allannguiakulaarnerit, aatsitassarsiornermik inuussutissarsiummi patajaatsunik sinaakkuteqarnissamik pingaartitsilluinnartumi aarlerinissamut tunngavissiinnaasut.*

*Tamanna tunngavigalugu Inuussutissarsiornermut Aatsitassanullu Ataatsimiititaliamit paaserusunneqarpoq Naalakkersuisut, aatsitassanut inatsimmi iluarsartuusseqinnissamut inatsimmi allannguutininik taakkuninnga annertuunik ilanngussinermut taarsiullugu, siunnersuummik maannakkut saqqummiussinissamik toqqaasimanerannut suna tunngaviunersoq. Kinguartitsineq iluannequtinik imaluunniit ulorianaatinik nassataqarsinnaava?*

#### **Akissut:**

Inatsisip kukkunersiorneqarnissaata pisussap utaqqinissaaniit, maannangaaq Aatsitassanut inatsisip allannguutaanut pineqartunut siunnersuummik Naalakkersuisut saqqummeerusunnerannut pissutaavoq, siunissami qaninnerpaami, pisinnaatitsissummik pigisaqartut piiaanissamut akuersissutit pillugit qinnuteqarnissaat naatsorsuutigineqarmat. Ilaatigut Tanbreez Mining Greenland A/S ilaallutik.

Allannguummik siunnersuutaasumik kinguartitsinerup kingunerissavaa, piiaanissamut akuersissutinik qinnuteqaatinik suliaqarnerup ajornakusoortinneqalerneq, ajornerpaatigut pilersaarutinik kinguartiterissalluni imaluunniit unittoortigineqavissinnaalluni. Maannakkut periarfissarissaarpugut, tamatumuunalu iliuuseqartariaqarluta, aningaasaleerusunneq sanngiillisissanngikkutsigu.

#### **Apeqqu 2.**

*Ullumikkut piiaanissamut akuersissummik pissarsinnaanermut piunasaqaataavoq qinnuteqartup (imminut akilersinnaaneq pillugu) nalunaarusiamik, aatsitassap pineqartup piarneqarneratigut aningaasaqarnikkut qanoq amerlatigisunik pissarsinissamik naatsorsuuteqarsinnaanermik takutitsisumik nassiussaqaarnissaa. Piunasaqaatip taassuma atorunnaarnera inatsisissatut siunnersuutip nassataraa.*




*Aatsitassarsiornermik ingerlatseqatigiiffinnut piiaanissamut akuersisummik peqartunut tunngatillugu Kalaallit Nunaanni akileraartarnermut oqartussaasut akileraarutininik nakkutilliinissaminnut tunngavissaasa sakkukinnerulernerannik piumasaqaammik atorunnaarsitsineq nassataqarsinnaava?*

**Akissut:**

Atorluaanissamut akuersisummik nalunaaruteqarnissamut piumasaqaatit, akuerisaasumik imminut akilersinnaassusermik naatsorsuutininik misissueqqissaarutaanik piumasaqaatip atorunnaarsinneqarnera, akileraarutitigut nakkutiginninnissamut Akileraartarnermut oqartussaasut tunngavissaannut sunniuteqassanngilaq, soorluttaaq pilersaarutip Landskarsimut nakkartitassaanut sunniuteqassanani.

Imminut akilersinnaassusermik naatsorsuutininik misissueqqissaarusiaq tassaavoq pilersaarutip imminut akilersinaassusianik siumut naatsorsuusuaq, akerlianilli akileraartarnermut oqartussaasut kingumut piviusumik isertitaasut nakkutigisarlugu.

Inussiarnersumik inuulluaqqusillunga



Erik Jensen  
Naalakkersuisoq



Inatsisartuni partiit  
Inatsisartuni ilaasortat  
3900 Nuuk

ULLOQ/ DATO

31. oktober 2019

J. NR.

01.02.03

ALL. NR./BREV-NR.

**Aatsitassat pillugit inatsimmi piumasaqaatinik oqilisaaniarneq (oqaluuserisassani imm. 24) pillugu Kommune Kujallermit tapersiineq**

Inatsisartut Ukiaanerani Ataatsimiinneranni oqaluuserisassaq immikkortoq 24 innersuussutigivarput.

Oqaluuserisassami pineqartumi anguniarneqarpoq Aatsitassanut Ikummastissanullu inatsimmi aatsitassanik qalluiniarlutik suliniuteqartunut piumasaqaatinik oqilisaaniarneq.

Kommune Kujallermi ukiuni kingulliusuni aatsitassarsiernerup iluani nunatsinni pisut malinnaaffigivagut suliniutillu aallarteriaannartut inissisimagaluarlutik inatsisit qilersuivallaarneri aporfiusarsimapput, naak pissutsit aallartitsiniarnermi qalluiniarnermilu ingerlatsinermi ajutoortoqarpat selskabit namminneq akisussaaffigigaat, namminnerlu aningaasaajaatigissallugu, ajutoorpallu akisussaaffigalugu.

§29 imm. 2-mi aatsitassanik qalluniarnerup imminut akilersinnaassusaata nalunaarusiarineqarnissaanut piumasaqaat peerneqalersaarpoq. Qalluiffiginiakkap imminut akilersinnaassusaa ullormiit ullormut nikerarpoq. Piumasaqaat ilaatigut ingerlatsiniakkap aallartinneqarnissaanut kinguarsaatitut taaneqarsinnaavoq. Assersuutinut ilaavoq London Mining-imut akuersissut. Qalluinissamut akuersissut kiisami isanneqarmat niuernikkut pissutsit ima allanngortigisimapput allaat selskabip taassuma imminut akilersinnaajunnaarneranik kinguneqarluni.

§29 imm. 4-mi aalajangersagaq selskabinik qangali ippigineqartartoq, aallartitsiniarnermilu aningaasaliisinnaasunik ujarlernermi akornutaasartoq, tassa aatsitassanik qalluiffimmi selskabit kisermaassisinnaanerit iluarsiiiffiginiarneqarpoq. Iluarsiiiffiunngippat selskabi soorlu nikkelinik qalluinissamut akuersissuteqarfiup iluani selskabi alla diamantinik qalluinissamut akuerineqarsinnaagaluarpoq, taamatullu selskabinut suliaqareersunut akornusiisinnaasutut inissilluni. Allannguutip taassuma akuerineratigut inatsisit oqilisarneqarpoq, sulitut iluatsissinnaanerit pitsannguallalluni.



§30 imm. 2 nutaatut ikkunneqalerpoq, tamatumani akuersissutit uninngaannalersimasut piffissamik killilersuinikkut unitsinneqarsinnaanngorlugit. Taamatut isiornikkut unittoqqasut nutaamik aallariaqqinnissaannik periarfissiisoqarsinnaalluni.

Kommune Kujallermi suliffiit nutaat annertuumik pisariaqartippagut. Tamatumani aatsitassarsiorfiusinnaasut annertuumik pingaaruteqarput, sulisut ikinngitsut sulisorineqarsinnaammata, taamaalillutillu inuiaqatigiinni aningaasatigut kaaviiartitsinermi

annertuumik sunnuteqarsinnaammata, kommunimullu nunatsinnullumni aningaasatigut iluanaarutaasinnaammata. Taamaattumik kommuunimiit Aatsitassanut Ikummatissanullu inatsisip allanngortilersaarneranut tamakkiisumik tapersersiinerput matumuuna apuupparput, qularutiginningsigu Inatsisartuniit allannguutissat ilalernerisigut inuiaqatigiit annertuumik iluanaaruteqarsinnaasut aammalu nunatta namminiilivinnissaanut aqutissiueqataasinnaasut.

Inussiarnersumik inuulluaqqusillunga

Kiista P. Isaksen,

Borgmesteri



Partierne i Inatsisartut  
Inatsisartuts medlemmer  
3900 Nuuk

ULLOQ/ DATO

31. oktober 2019

J. NR.

01.02.03

ALL. NR./BREV-NR.

**Støttebrev fra Kommune Kujalleq vedrørende ændring af krav til betingelser for at opnå udnyttelsestilladelse og beskyttelse af områder omfattet af udnyttelsestilladelser (dagsordenspunkt 24)**

Vi henviser hermed til punkt 24 i Inatsisartuts Efterårssamling.

Formålet med dagsordenspunktet er at foretage lempelser ved Råstoflovens bestemmelser omkring udnyttelse.

Kommune Kujalleq har fulgt udviklingen på råstofområdet i de seneste år og har set, hvordan de ellers potentielle projekter bliver hindret af den stramme lovgivning, og dette til trods for at det er selve selskabet der står med risici og udgifter, er ansvarlig hvis projektet ikke kunne blive startet.

Det er hensigten at sløjfe kravet i § 29 stk. 2, om at rettighedshaver skal påvise at forekomsten kan udnyttes kommercielt. Rentabiliteten af en forekomst ændrer sig fra dag til dag. Det hidtidige krav kan ses som et forsinkende led for opstartsprocessen af et projekt. Et af eksemplerne er udnyttelsestilladelsen for London Mining. Da udnyttelsestilladelsen endelig blev tilkendt har markedsforholdene ændret sig så meget at selskabet var ikke længere levedygtigt økonomisk.

Det er også hensigten at tilføje et nyt stk. 4 til § 29. Den foreslåede bestemmelse sikrer, at selskaberne har eneret på et udnyttelsesområde. De eksisterende regler har betydet at selskaberne havde svært ved at skaffe investorer i opstartsfasen, ændringen er længe ønsket fra råstofsekskabernes side. Såfremt bestemmelsen ikke bliver revideret så vil det f. eks. være muligt for et selskab at få udnyttelsestilladelse vedrørende diamanter på et området, hvor et andet selskab i forvejen har en udnyttelsestilladelse vedrørende nikkel, og på denne måde kan opstå udfordringer for et igangværende projekt. Med vedtagelsen af denne revision er loven blevet lempeligere og giver bedre chancer for et givent projekt.



§ 30, stk. 2 bliver indsat som nyt, således de inaktive projekter kan stoppes ved at fastsætte tidsfrister. Med denne revision imødegås uhensigtsmæssige situationer i forbindelse med at et projekt går i stå.

Kommune Kujalleq har stærkt brug for nye arbejdspladser. I den forbindelse er mineralpotentialerne meget vigtige, den slags projekter kræver betydelig arbejdskraft og kan derved skabe vækst i samfundet og indtægter for kommunen og Grønland. På baggrund af det ovennævnte vil kommunen erklære sin fulde opbakning til ændring af råstoflovens bestemmelser, da vi er sikker på at vedtagelsen af ændringerne vil skabe vækst i samfundet og være med til at skabe grundlaget for Grønlands selvstændighed.

Venlig hilsen

Kiista P. Isaksen,  
Borgmester